

PASTOR IRWIN KORNELSEN

Hast Du Daut



*Von Diene
Kjinja?*

HAUNTBUAK



Hast Du Daut



*Von Diene
Kjinja?*

HAUNTBUAKE

PASTOR IRWIN KORNELSEN

Enhault

Enfierunk.....	5
Waut meen ekj met „Hast du diene Kjinja äa Hoat?“	6
Woo kaun ekj weeten daut ekj miene Kjinja äa Hoat hab?.....	7
Hab ekj miene Kjinja äa Hoat?	10
Wan ekj daut Hoat veloaren hab, woo kaun ekj daut trigj kjrieen?	14
Froagen un Auntwuaten	16

LEKZION 1

Enfierunk

Twée Sajen toom äwa nodenkjen:

1. Dee eensja Wajch woo du ändren kaust, es wan du mea lieren deist.
2. Ekj kaun bloos aun daut denkjen waut ekj weet.

Efeesa 6:1-4

„Kjinja, june Christenpflicht es, june Elren to jehorchen, wiels daut es daut rajchte to doonen. “Voda un Mutta ieren” wia daut ieeschte Jeboot, wuaropp Gott daut Vespräakjen läd: “daut die daut goot jeit un du lang oppe leed läwen kaust.” Un jie Vodasch, vezoajcht june Kjinja nich. Trakjt dee christlich opp un doot dee em christlichen Senn trajchtwiesen.”

De Jemeenschoft
tweschen die un diene
Kjinja es sea wichtich!

BEMOAKJUNGEN:

Froagen:

1. En de Jeschicht, waut wull de Voda von sien Sän?

2. Wuarom?

Klaussen Äwablekj:

1. Waut meen ekj met „Hast du diene Kjinja äa Hoat?“
2. Woo kaun ekj weeten daut ekj miene Kjinja äa Hoat hab?
3. Wuarom es daut wichtich daut ekj miene Kjinja äa Hoat hab?
4. Hab ekj miene Kjinja äa Hoat?
5. Wan ekj daut Hoat veloaren hab, woo kaun ekj daut trigj kjrieen?

*Waut meen ekj met
„Hast du diene Kjinja äa Hoat?“*

Tieekjens daut du NICH dien Kjint sien/äa Hoat hast?

1. Wan dien Kjint sajcht: „Du kaust mie niemols vestonen.“
2. Wan dien Kjint väl mea besorcht es om waut hee/see well, un weinich Acht jeft opp waut jie aus Elren von am/ar wellen.
3. Wan du niemols kaust deepe Vetal haben met dien Kjint.
4. Wan dien Kjint sikj vestakjt fa die, un well leewa auleen sennen.

BEMOAKJUNGEN:

Diene Kjinja goot sennen un äa Hoat haben, sent twee veschiedene Dinja. Äa Hoat to haben meent, daut du kaust eene goode Jemeenschoft met äant haben.

LEKZION 2

Woo kaun ekj weeten daut ekj miene Kjinja äa Hoat hab?

Een Poa Jedanken:

- Wan wie onse Kjinja äa Hoat velieren, daut woat emma ea ooda lota rut komen.
- Du kaust niemols dien Kjint sien Hoat met JEWALUT trigj kjrieen wan du daut veloaren hast.
- Aus Menschen jäw wie aula ons Hoat no sestwäm; wie motten irjentwua ne Vebindunk haben.
- Wan Elren nich äare Kjinja äa Hoat haben, gonen de Kjinja no sestwäm ooda no sestwaut.
 - + Aundre Menschen
 - + Tieren
 - + Sachen
- Eene Leew Vebindunk em Hoat haben met onse Kjinja es sea väl stoakja aus väle Rääjlen haben.
- Kjinja waut eene jesunde Vebindunk met äare Elren haben, woaren nich soo leicht mootwellens onjhuarsom, jäajenaun ooda respakjtloos sennen. See wellen äare Elren nich wee doonen.
- Väle Elren haben äare Kjinja äa Hoat veloaren, oba see weeten daut nich, un wääjen see daut nich weeten, doonen see nuscht doamet.

BEMOAKJUNGEN:

DE VEBINDUNK TWESCHEN KJINJA UN ELREN, UN KJINJA UN GOTT

Wuarom es daut wichtich daut Elren ääre Kjinja äa Hoat haben?

1. De Kjinja ääre Jemeenschoft met ääre Elren, un besondasch met äären Voda, spält ne groote Roll en woo de Kjinja äa Veheltnis met Gott woat sennen.
2. Daut es wichtich daut Elren daut Vetruen met ääre Kjinja hoolen, wäajen wan de Kjinja ääre Elren nich vetruen, woo woaren see Gott dan Vetruen?
3. Wan Persoonen sikj nich weeten en äa Läwen, daut haft meist emma too doonen met daut see nich ne goode Jemeenschoft haben met äären Voda jehaut.

En Mensch deit waut hee deit fa ne Uasoak.

De Unjascheet tweschen Rääjlen un Jemeenschoft:

Wan en Leida (Voda, Pastor, School Liera, usw.) nicht de Hoaten haft von dee, dee hee aunleidt, haft hee jeweentlich ne schwoare Tiet, wäajen sien Wuat talt sea weinich. Je mea Rääjlen hee moakt, je oaja woat daut. Oba, wan hee kaun ut Leew ne Jemeenschoft haben, bruckt hee nich vüle Rääjlen moaken.

Froag:

1. Kaust du met dien Hoat met diene Famielje omgonen, un nich bloos met dien Kopp?
2. Woo? (Bäd un denkj doaräwa no, un schriew lota de Ideen opp waut die biefaulen)

WUARAM ES DAUT WICHTICH DAUT EKJ MIENE KJINJA ÄÄ HOAT HAB?

1. De Kjinja haben eene sechre Städ wua see sikj kjennen utschedden wan äant daut schwoa jeit.
2. Wan Elren daut Hoat von ääre Kjinja haben, dan kjennen see Jemeenschoft met äant haben. Doa es Vetruen, de Kjinja sent opp toom vetalen, un see haben Respakjt eena fa dän aundren.
3. De ieeschte Städ wua Kjinja lieren waut Leew es, es bie de Elren. Wann see daut doa orrajcht oppfoten, es daut schwoa daut see Gott siene Leew vestonen kjennen.
4. Soo aus wie ons Voda aankjiken, so woa wie Gott un aundre Autorität aankjiken.

*Soo lang aus du Odem hast,
kaust du Dinja trajcht moaken!*

BEMOAKJUNGEN:

LEKZION 3

Hab ekj miene Kjinja äa Hoat?

Een Poa Wäaj woo wie onse Kjinja kjennen belieren:

1. Derch Leew
 2. Derch Angst
 3. Derch Jewault
- De eensja Wajch woo wie onse Kjinja äa Hoat hoolen kjennen es wan wie daut derch Leew doonen.
 - Wie kjikjen Gott aun, doano aus waut wie jeliheet ooda oppjefoten haben äwa wäa Hee es.
- + Es hee een hoada Gott?
 - + Es hee een leewenda Gott?
 - Wie sent nich jemoakt toom met Jewault derch daut Läwen gonen, oba met Leew.
 - Wie haben daut aula enn ons daut wie kjennen fein senn to Menschen, un wie haben daut uk aula en ons daut wie kjennen domm sennen to Menschen.

Froagen:

1. Woo es mien Veheltnis met miene Kjinja? Hab ekj äa Hoat?

2. Wan nich, wua kunn ekj daut veloaren haben?

3. Waut kaun ekj doonen toom de Jemeenschoft tweschen mie un mien Kjint fresch oppbuen?

4. Es de Jemeenschoft tweschen mie un mien Kjint opp jenuach, daut ekj kunn do-
aräwa met äant vetalen, ooda sull ekj ieescht aundasch seenen de Jemeenschoft
opptobuen?

5. Wan de Jemeenschoft opp jenuach es, dit sent een Poa Froagen waut du diene
Kjinja froagen kust:

- Woo jeit die daut?
- Woo denkst du äwa_____?
- Jeit die daut scheen met ons toop sennen?
- Woo jeit die daut jeistisch?

BEMOAKJUNGEN:

LEKZION 4

Goode Unjahoolunk Buen

Efeesa 6:4

“Un jie Vodasch, vezoajcht june Kjinja nich. Trakjt dee christlich opp un doot dee em christlichen Senn trajchtwiesen.”

- Du brucks nich emma „Jo“ sajen to diene Kjinja. Manchmol mott wie „Nä“ sajen. NÄ SAJEN ENN LEEW BUT KARAKTA.
- Sie reed toom toostonen daut du uk noch mol orracht best.
 - + „Daut deit mie Leet. Ekj wia orracht.“
 - + „Daut haud ekj orrajcht vestonen.“
 - + „Daut wudd ekj haben aundasch jedonen wan ekj daut dolla bedocht haud.“
- Doa sent Tieden wan diene Kjinja uk no die horchen motten.
- Froag äant dooltosaten, un bloos gaunz jeloten to horchen, onen waut trigj to sajen bat du ieescht foadich hast.
- Elren un Kjinja motten lieren toop to schaufen un to vetalen.

„90% von woo ekj mie oppfieren doo wan doa waut aun mie naunkomen deit haft too doonen met woo ekj bie junk jeliheet hab.“
– John Maxwell

Toom Nodenkjen:

1. Woo lia ekj miene Kjinja met Probleeme to haundlen?
2. Fia ekj jääjenaun wan irjentwää mie prooft trajcht to wiesen?
3. Kaun ekj jeloten bliewen wan mie wää utbätat?

Een CHRIST SENNEN AULEEN moakt NICH een goodet, jesundet Heim.

Wan Relijion en mie stoakja es aus de Jemeenschoft, daut deit sea väl Schoden.

Woo Goode Unjahoolunk to Buen:

1. Horch no waut de näakjsta meent, nich bloos no waut he sajcht.
2. Sie op toom horchen woo dän Näakjsten daut jeit.
3. Pauss opp nich manktoräden, oba proow to vestonen.
4. Wan see foadich haben, dan kaust du räden.
5. Wie sullen emma oppausen opp woo wie to aundre Persoonen räden.
6. Wan wie äant beschuldjen, äant schlacht sajen, usw. dann gonen äare Hoat Däaren too ons jääjenäwa.
7. Wan wie no äant horchen un acht jäwen opp woo see sikj feelen, ver wie waut sajen, kjennen äare Hoat däaren opp gonen ons jääjenäwa.

LEKZION 5

Wan ekj daut Hoat veloaren hab, woo kaun ekj daut trigj kjrieen?

Toom Nodenkjen:

- Jieda Poa Lied jeit derch Tieden wan daut schwoa jeit, un daut es nich wiels daut schljachte Lied sent, ooda schljachte Elren, uk nich daut de Kjinja schljachte Kjinja sent. Wie haben bloos aula veschiedene leejenschoften, un wie motten lieren ons omzajcht to vestonen.
- Kjinja dee sea wiekj un jehuarsom sent, sent ieremol dee dee sikj met Wee-doag romdroagen, wiels see bliewen stell wann äant uk orrajcht behandelt woat.
- Manchmol haft de Mame de Kjinja äa Hoat, un de Voda nich, ooda de Voda haft de un de Mame nich. Daut mott wie bloos erkjannen, un dan seenen daut to vebätren.
- Kjinja sent jeweenlich sea leicht reed toom no de Elren horchen un äant to vejäwen, oba see wellen uk haben daut de Elren no äant horchen.
- En Kjint waut doa oppwauusst met ne jesunde Jemeenschoft met siene Elren, kjemt väl bäta velenjd met sikj selwst un met aundre Menschen, wiels de es enn Leew oppjewossen.
- Wan du diene Kjinja strofen deist, daut mott ut Leew komen. Aundasch sull maun daut Kjint niemols strofen.
- Wan du die oajren deist, go leewa tosied, denkj doaräwa no, un doo daut wan du daut ieescht en Leew doonen kaust. Veleicht motst du die uk bloos oajren, un daut Kjint fält oba goanich to strofen. Dann hast du nich orrajcht jehaundelt met daut Kjint en dien Oaja.
- Gott sad eenen sea huagen Wieet opp Jemeenschoft tweschen ons un aundre Menschen, un besondasch enne Famielje. Onen Jemeenschoft hab wie werkjlich sea weinich.

„Soo aus daut Heim es, soo es de Omjäwunk. Un so aus de Omjäwunk es, soo es de Welt.“

BEMOAKJUNGEN:

**Froagen dee du diene Kjinja froagen
kaust:**

1. Hab ekj dien Hoat?
2. Saj mie mol woo du dien Optrakjen beläft hast.
3. Woont sent de schwanste Tieden jewast en dien Läwen?
4. Sent doa Dinj waut du jäajen mie hast waut du noch niemols von jerät hast?

Du kaust nich een Kjint
sien/äa Hoat KJEEPEN met Jelt.
Doa es NUSCHT waut daut perseenliche
vetalen un uttuschen ersaten kaun.

Maleachi 3: 23-24

„Horch emol, ekj woa junt däm Profheet Elia schekjen, un daut ea däm Harn sienen grooten un schrakjeljen Dach kjemt. Dee woat de Elren met de Kjinja veseenen un de Kjinja met äare Elren, soo daut ekj nich daut gaunze Launt woa tonicht schlönen wan ekj kom.“

Spricha 15:1

„Eene jelinde Auntwuat stelt dän Oaja, oba een hoadet Wuat reizt toom Oaja.“

Wie wiesen onse Kjinja wäa ons Gott es.
Wie deenen däm waut wie aum mieeschten
leewen.

Een strenjet Heim met Leew schauft. Een
Heim onen Leew schauft nicht.

Kolossa 3:21

„Jie Vodasch, veojat un vebettat june Kjinja nich, daut see nich schuchta un mootloos woaren.“

*Woat nich mootloos! Äwajäft daut aula no Gott, un
moak de Endanisse waut Hee die wiest!*



Irwin un siene Fru Roberta sent jesääjant met fief wundascheene Kjinja un acht Grootkjinja.

Irwin sien Drief es Menschen halpen ääre Frieheit en Christus to finjen. Hee jleicht aun Teemasch to räden waut met auledach Läv-en to doonen haben. Fälmol brukt he siene Beläwnisse von waut Gott jedonen un am jeliet haft doaderch. Hia sent en poa von de Teemasch wua hee aun lieren deit:

- Daut Hoat von dien Kjint haben. Fäle Elren haben de Hoaten von ääre Kjinja veloaren un see weeten nich wan ooda woosoo daut passiet es. Irwin liat aun woosoo daut wichtich es äa Hoat to haben, woo du kaust weeten aus du äa Hoat hast, woo kaust du äa Hoat velieren, woo daut dien Kjint derch em Läv-en aunjriepen deit, un woo du kaust ääre Hoaten trigj kjrieen wan du dee veloaren hast uk wan see aul ella sent.
- Woo daut aunerkjannen un met en Mensch sien beschädicht Hoat ve-handlen waut am wajch helt von daut sennen un doonen waut Gott am vää jemoakt haft. Daut beschädichte Hoat kjemt vüle mol enne Eehe un en aundre Veheltnisse verendach, eendoont waut dien Ella.
- Woo en friet Läv-en onen Aunstooss to läwen.
- En Leew faulen met Gott ons Himmlischa Voda.

Irwin es em Deenst jewast aul von 1993. En dise Tiet haft hee de Jelääjehheit jehaut en twee Kjoakjen Prädja to sennen un nu es he en Freedom Worship Centre en Prädja. He deit väl reisen un liern uk Kjoakjen aus Seelsorja deenen. He haft en veschiedne Lenda opp Konferenzen jerät, uk en Canada, un USA .